

O MANGIBE SI DEVLIKANI BUTSI

Isine kay isine ekh phuri romnori, karig ko ohtovardesh bresha. O-o-o, isi ekh chhayori, samo ekh vnukitsa isi la. Phenena lake.

– Mamo, so keresa?

– Ami so te kerav? Ake beshti siom.

– Mo vozi mangela bokoi te reres!

– Chi kon ka kerel tuke, te razpravinel pes tuke kale bokoesa. Ha! Le! Isi maro – ta ha!

– Ma! Ma! Ma! Mangaa te hav tati bokoi i te thove mange lon, chubritsa, ta te hav.

– Pa mantsa so astar?

Oy lela, kerla ekh bokoi. Kerela ekh bokoi te chhorel lenge, te del len te han.

– Mami, ka tovaa mange fasuy te keryol?

– Ka thoas.

Hale i zumi na chorba.

– Me nakamaa fasuy! Mangaa chorba!

I lela e phuri, thovela lenge e kodova... fasuy te keryol ekhe garneste. Anglal zharos, palal ... pek, pek, pek – pharyola, inkyona kazaya, kazaya, kazaya – desh, deshupanch kazaya inkal. Phenena e kazaya:

– Mami, bokoi pekyola! Phak mange portsiya!

– Nanay, nanay, mo chho! Katar kale kazaya? I phuv li inkiste? Katar li? Andar i piri li inkiste?

– Katar inkiste kala chhave, chhavale? Dali o mahalake ili andar i piri inkiste? Devleski butsi mami!

– Phak mange mami bokoi!

Kibor phagela e marestar, kibor phageya – kibor po-bari achhola.

I sled tova... kaya chhayori baryola, o kazaya sauru barile. Zhenisi le pes. Achhola kaya chhay pash pe mamete.

Lachhes, ama isi mrush, khay thagar – tsares. Isile ekh chhavo – za mayka, za bashta. Baro barvalipe.

Zhala o chhavo i mangela chhaya. I chhay lestar iztsidela pes. Zhala o dat i dayake phel:

– Romnie, bendili kole chhay, te zhas te mangas la.

– A-a-a! Nasht! Kole chhayori si chore kherestar.